

৯ ফেব্রুয়ারি ২০২০ইং

সংবাদ বিজ্ঞপ্তি

সংবাদ সম্মেলনে আইইডিসিআর পরিচালক সংশ্লিষ্ট সকলকে সম্ভাব্য রোগীদের ব্যক্তিগত গোপনীয়তা রক্ষার নৈতিকতা মেনে চলার আহ্বান জানিয়েছেন

সাংবাদিকদেরকে নিয়মিত অবহিতকরণের অংশ হিসেবে আজ বেল ১২টায় আইইডিসিআর মিলনায়তনে বাংলাদেশে ২০১৯- nCoV পরিস্থিতি সম্পর্কে অবহিত করা হয়। সাংবাদিকদেরকে সর্বশেষ পরিস্থিতি তুলে ধরেন আইইডিসিআর-এর পরিচালক প্রফেসর ডাঃ মীরজাদী সেব্রিনা ফ্লোরা।

প্রফেসর ফ্লোরা সম্প্রতি দেশের বিভিন্ন স্থানে চীন ফেরত বাংলাদেশের নাগরিকদের সন্দেহজনক ২০১৯- nCoV সংক্রমণ নিয়ে সংবাদ পরিবেশন করতে গিয়ে সংবাদদাতা ও সংবাদ সংগ্রাহক উভয় পক্ষ কর্তৃক সন্দেহজনক রোগীদের ব্যক্তিগত গোপনীয়তা লংঘিত হচ্ছে বলে উপস্থিত সাংবাদিকদের দৃষ্টি আকর্ষণ করেন। তিনি বলেন, "সন্দেহজনক, পরীক্ষাধীন বা নিশ্চিত রোগী এমন সব ব্যক্তির গোপনীয়তা বজায় রাখা জরুরী। আমাদের মনে রাখতে হবে, গোপনীয়তা রক্ষা করতে না পারলে এমন ব্যক্তিদের ব্যক্তিগত ও সামাজিক নিরাপত্তা বিঘ্নিত হতে পারে। চিকিৎসা বিজ্ঞানে রোগীর ব্যক্তিগত গোপনীয়তা বজায় রাখা পেশাগত নৈতিকতার গুরুত্বপূর্ণ অংশ।"

চীন থেকে ফেরা বাংলাদেশের নাগরিকদের স্বাস্থ্যসেবা প্রসঙ্গে

আমরা লক্ষ্য করছি যে, চীন থেকে সম্প্রতি বেশ কিছু বাংলাদেশের নাগরিক দেশে ফিরে ২০১৯- nCoV সংক্রমণের আশংকায় উদ্ভিন্ন। তাদের জন্য কতিপয় তথ্যঃ

(ক) চীনের সব প্রদেশে একই সময় ২০১৯- nCoV সংক্রমিত হয় নি। সংশ্লিষ্ট চীন ফেরত যাত্রী যদি উহান সহ চীনের অন্য কোন সংক্রমিত এলাকা থেকে মহামারীর ১৪ দিন আগেই এসে থাকেন, তাহলে অযথা উদ্ভিন্ন হবার কারণ নেই।

(খ) চীনের উহান সহ সংক্রমিত এলাকা থেকে যদি কেউ এসে থাকেন এবং ইতিমধ্যে ১৪ দিন অতিক্রম করে থাকেন, তাহলেও তার উদ্ভিন্ন হবার কারণ নেই।

(গ) চীনের উহান সহ সংক্রমিত এলাকা থেকে যদি কেউ এসে থাকেন, বাংলাদেশে অবস্থান ১৪ দিন অতিক্রম করেন নি, ২০১৯- nCoV রোগের কোন লক্ষণ দেখা যায় নি, তারা মোট ১৪ দিন ধরে স্বেচ্ছা কোয়ারান্টাইনে থাকবেন।

(ঘ) চীনের উহান সহ সংক্রমিত এলাকা থেকে যদি কেউ এসে থাকেন, বাংলাদেশে অবস্থান ১৪ দিন অতিক্রম করেন নি, ২০১৯- nCoV রোগের লক্ষণ দেখা গিয়েছে, তারা তাৎক্ষণিকভাবে আইইডিসিআর হটলাইনে ফোন করবেন। কর্তব্যরত চিকিৎসক ফোনে ঐ ব্যক্তির ইতিহাস নিয়ে তার জন্য প্রযোজ্য ব্যবস্থা গ্রহণে উপদেশ দেবেন।

সংশ্লিষ্ট চীন ফেরত যাত্রীদেরকে অযথা উদ্ভিগ্ন না হয়ে যে কোন প্রশ্নের উত্তরের জন্য আইইডিসিআর হটলাইনে ফোন করার অনুরোধ করার জানানো হচ্ছে।

সংক্রমণ প্রতিরোধ ব্যবস্থা জোর দেয়ার নির্দেশ

সংবাদ সম্মেলনে প্রফেসর ফ্লোরা সকল হাসপাতালে সংক্রমণ প্রতিরোধের জন্য গঠিত কমিটি আরো সক্রিয় করার জন্য আহ্বান জানান। এর পাশাপাশি জনগণকে ব্যক্তিগত সুরক্ষার জন্য পরিচ্ছন্নতার স্বাস্থ্য বিধি মেনে চলার অনুরোধ জানান তিনি।

কোয়ান্টাইনকৃতদের স্বাস্থ্য পরিস্থিতি

সম্মিলিত সামরিক হাসপাতালে আইসোলেশন ইউনিটে রাখা ১১ জন এবং আশাকোনা কোয়ারান্টাইন কেন্দ্রে উহান ফেরত ৩০১ যাত্রীরা সুস্থ আছেন।

স্বাস্থ্য উপদেশ

- * যারা সুস্থ আছেন তাদের মাস্ক পরা দরকার নেই। যারা সর্দি-কাশিতে ভুগছেন শুধু তারাই ঘরের বাইরে বের হলে মাস্ক পরবেন। তবে ঘরে ফেরার আগে ব্যবহৃত মাস্কটি মুখঢাকা বিনে ফেলবেন, যেন কেউ কুড়িয়ে আবার তুলে নিতে না পারে।

২০১৯-nCoV সংক্রান্ত সর্বশেষ পরিস্থিতিঃ (৯ ফেব্রুয়ারি ২০২০ ইং)

| ডেব্রয় | ২৪ ঘণ্টার সর্বশেষ পরিস্থিতি | গত ২১/০১/২০২০ থেকে অদ্যাবধি |
|--|-----------------------------|-----------------------------|
| এ পর্যন্ত হযরত শাহজালাল আন্তর্জাতিক বিমান বন্দরে বিদেশ থেকে আগত স্কিনিংকৃত যাত্রীর সংখ্যা* | ৯৬৭৬ | ১৮২১৩ |
| স্কিনিংএর মাধ্যমে বিমান বন্দরে সনাক্তকৃত সন্দেহজনক রোগীর সংখ্যা | ০ | ০ |
| আইইডিসিআর হটলাইন এ মোটকলের সংখ্যা | ১২০ | ১৪৪০ |
| আইইডিসিআর হটলাইন এ ২০১৯-nCoV সংক্রান্ত মোট কলের সংখ্যা | ৮৪ | ১০৬৫ |
| আইইডিসিআর এ আগত ২০১৯-nCoV সংক্রান্ত মোট সেবাগ্রহীতার সংখ্যা | ৪ | ৫৬ |
| ২০১৯-nCoV পরীক্ষা করা মোট নমুনার সংখ্যা | ১ | ৫৪ |
| নিশ্চিতকৃত nCoV এর মোট রোগীর সংখ্যা | ০ | ০ |

- * গত শুক্রবার ০৭/০২/২০২০ থেকে হযরত শাহজালাল বিমান বন্দরে বিদেশ থেকে আগত সকল যাত্রীকে স্কিনিং করা হচ্ছে।

প্রয়োজনে আইইডিসিআর-এর হটলাইন নম্বর এ যোগাযোগ করুনঃ

০১৯২৭৭১১৭৮৫, ০১৯২৭৭১১৭৮৫, ০১৯৩৭০০০০১১, ০১৯৩৭১১০০১১

শ্বাসতন্ত্রের সংক্রমণ প্রতিরোধে করণীয়

- ঘন ঘন সাবান ও পানি দিয়ে হাত ধোবেন (অন্তত ২০ সেকেন্ড যাবৎ)
- অপরিস্কার হাতে চোখ, নাক ও মুখ স্পর্শ করবেন না

- ইতোমধ্যে আক্রান্ত এমন ব্যক্তিদের সংস্পর্শ এড়িয়ে চলুন
- কাশি শিষ্টাচার মেনে চলুন (হাঁচি/কাশির সময় বাহু/ টিস্যু/ কাপড় দিয়ে নাক-মুখ ঢেকে রাখুন)
- অসুস্থ পশু/পাখির সংস্পর্শ পরিহার করুন
- মাছ-মাংস ভালো ভাবে রান্না করে খাবেন
- অসুস্থ হলে ঘরে থাকুন, বাইরে যাওয়া অত্যাৱশ্যক হলে নাক-মুখ ঢাকার জন্য মাস্ক ব্যবহার করুন
- জরুরী প্রয়োজন ব্যতীত চীন ভ্রমণ করা থেকে বিরত থাকুন এবং প্রয়োজন ব্যতীত এ সময়ে বাংলাদেশ ভ্রমণে নিরুৎসাহিত করুন
- অত্যাৱশ্যকীয় ভ্রমণে সাবধানতা অবলম্বন করুন

স্বা/ =

অধ্যাপক ডাঃ মীরজাদী সেব্রিনা ফ্লোরা
পরিচালক

ফোন নম্বরঃ ০২-৯৮৪২২৭০